



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epitome In Qvatvor Lib. Sententiarvm M. Petri Lombardi

Spina, Claudius de

Parisiis, 1551

15. de principio temporalis processionis Spiritus sancti in personis
incretatis.

urn:nbn:de:hbz:466:1-38840

ritus sancti fenserant, &c. Apertè hic ostendit quomodo illis spiritum sanctum tribuerit: Non utique ipsum mittendo in eos, sed prædicando eis fidem Christi, quam illis recipientibus quòd Spiritus sanctus in eis esset aliquibus signis visibilibus monstrabatur.

DE PRINCIPIO TEMPORALIS
processionis Spiritus sancti
in personis increatis.

DISTINCT. Decimæquintæ
CAP. Primum.

Spiritus sanctus non solum à Patre & Filio, sed à se ad creaturam mittitur & procedit.

Quum Spiritus sanctus detur omnibus à Patre & Filio, quod est ipsum temporaliter procedere vel mitti: cõsiderandum est an à seipso detur. Ad quod dicimus, quia Spiritus sanctus & Deus est, & donum: ideo dat & datur. Dat ut Deus, datur ut datum. Quum autem datio Spiritus sancti sit operatio Dei, & communis sit & indivisa operatio trium personarum, datur itaque Spiritus sanctus non tantum à Patre & Filio, sed etiam à seipso. Vnde Augustinus lib. 15. de Tri. dicit quòd seipsum dat. Nam si Pater & Filius dant Spiritum sanctum (ait) nec ipse dat aliquid: ergo Pater operatur & Filius, quod non operatur Spiritus sanctus.

Dat ergo Spiritus sanctus seipsum. Si autem seipsum dat, ergo à se procedit & mittitur. Quod mirari non debes, quum & Filius à se missus dicatur ab August. 2. lib. de Trinit. *Cap. 5.* & non tantum à Patre.

C A P. *Secundum. Filius & Spiritus sanctus missi sunt.*

N Am vterque (dicit Aug.) legitur missus. De Spiritu sancto enim legimus, Quem mittet Pater in nomine meo. *Io. 10.* & iterum: Si abiero, mittam eum ad vos. & *Io. 16.* Filius de se ait: Exiui à Patre, & veni in mundum. & Apost. dicit: Misit Deus Filium suum. *Iob. 3.* & apud Proph. ex persona Dei: Cælum & *Gal. 4* terram ego impleo. Itaque ubique Deus est: *hie. 23* ubique ergo est Filius, ubique etiam est Spiritus sanctus. Illuc ergo missus est Filius, & Spiritus sanctus, vbi erat.

C A P. *Tertium. Missus est Filius sine Spiritu sancto.*

Q Vum Apost. dicat Filium missum à Patre, intelligitur sanè Pater misisse eum, cum fecit ex foemina, quod utique non fecit sine Spiritu sancto.

C A P. *Quartum. Filius missus est à Spiritu sancto.*

eod. li. 47. c. **E**T quòd à Spiritu sancto Filius sit missus (vt ait Aug. in eod.) authoritatibus confirmatur. Ipse Christus dicit per *Esa. 48* *Esa. 48* saiam: Me misit Dominus & Spiritus eius. de hoc Ambros. li. 3. de Spiritu sancto: *Cap. 1.* Quis est qui dicit, Me misit Dominus & Spiritus eius, nisi qui venit à Patre, vt saluos faceret peccatores, id est Christus? Ergo & Pater Filium misit & Spiritus sanctus. *Cap. 2.* Idem in eod. Datus est à Patre (vt *Esa. 61* *Esa. 61* Esaias dicit) Puer natus est nobis, & Filius datus est nobis. Datus est audeo dicere, & à Spiritu, quia & à Spiritu sancto missus est. Dicit enim Filius Dei, Spiritus Domini super me, propter quod vnxit me, euangelizare pauperibus misit me, prædicare captiuis remissionem, &c.

CAP. Quintū. Filius datus, missus est à seipso.

Cap. 2. **D**Einde ostēdit esse datū à seipso, ita dicens in eod. lib. Cū enim nō definitū fuerit per prophetiā à quo datus est Filius, ostenditur datus gratia Trinitatis, vt etiam se Filius dederit. Si ergo Filius à se datus est, à se ergo missus est, & à se processit. Idque, scilicet Filium à se mitti, astruit Aug. lib. 2. de Trinit. dicens: Fortè aliquis cogat, vt dicamus etiam à seipso missum esse Filiū, quia & Mariæ conceptus & partus, operatio Trinitatis est. Sed inquit aliquis: Quomodo Pater eum misit, si ipse se misit?

Cui respondeo querens ut dicat, quomodo Pater eum sanctificauit, si & ipse se sanctificat? Vtrūque enim Dominus ait: Quem *Io. 10.* Pater, inquit, sanctificauit, & misit in hunc mundū. & alibi: Ego pro eis sanctifico me- *Io. 7.* ipsum. Item quæro, Quomodo eum Pater tradidit, si ipse se tradidit? Vtrunque enim legitur. Credo respondebit, si probè sapit, quia vna voluntas est Patris & Filij, & inseparabilis operatio. Sic igitur intelligat illam operationem & ex Virgine natiuitatem, in qua Filius intelligitur missus vna eademq; operatione Patris & Filij, inseparabiliter esse factam, nõ inde separato Spiritu sancto.

C A P. Sextū. *Missio Filij non est facta per loci mutationem.*

Non enim missus est mutando locum, quia in mundo erat. Quapropter Pater inuisibilis vnà cū Filio secum inuisibili, eundem Filium visibilem faciendo, misisse eum dictus est: qui si ita visibilis fieret, ut cum Patre inuisibilis esse desisteret, id est si in substantia inuisibilis verbi in creaturam visibilem mutata, & transiens verteretur: Ita missus à Patre intelligeretur Filius, ut tantum missus non etiam mittens cum Patre inueniretur. Cū ergo sic est accepta forma serui, ut maneret incommutabilis forma Dei, manifestum est quòd à Patre & Fi-

Aug. lib. 2. de tri. cap. 5.

lio, non apparentibus factum sit quod apparet in Filio, id est ab inuisibili Patre, non inuisibili Filio, idem ipse Filius visibilis mitteretur.

Obiectio.

Joh. 8. Cap. 5. **S**ed ad hoc opponitur: Si Filius à seipso missus est: cur ergo ait, A meipso non veni? Ad hoc respondet August. lib. 2. de Trinit. Hoc dictum esse secundum formam serui, secundum quam non fecit ut mitteretur: id est, non operatus est incarnationem, sed secundum formam Dei.

Quæstio, An semel tantum sit missus Filius, an sæpe.

Hic quæritur an tantum semel missus sit Filius, an sæpe mittatur. Si enim missio Filij est tantum sui incarnatio, quum semel tantum incarnatus sit, semel tantum missus videtur. At si sæpe mittitur, est & alia eius missio, quam incarnatio. Sed quæ est illa? nūquid æterna genitura missio quæreda?

C A P. Septimum. Solutio, Semel tantum missus est in mundum.

Ad quod dicimus, quod duobus modis mitti dicitur Filius, præter illam æternam quæ ineffabilis est, secundum quam etiam missus posset dici, ut videtur quibus-

E

dam. Sed melius ac verius dicitur secundum
eam genitus. Præter eam ergo dupliciter di-
citur mitti, scilicet vel cum mundo visibili-
ter apparuit carne indutus, vel cum se in ani-
mas pias sic transfert, vt ab eis percipiatur ac
cognoscatur. Hos duos modos apertè Aug.
distinguit. 4. lib. de Trinit. Secundum alte-
rum autem modum tantum missus est Dei Ca. 20
Filius: secundum alterum sæpe missus est & mit-
titur quotidie. Nam secundum primum modum
missus est vt sit homo, quod semel tantum factum
est. Secundum verò alterum mittitur, vt sit cum
homine quo modo quotidie mittitur ad san-
ctos, & missus est etiam ante incarnationem
ad omnes sanctos, etiam angelos. Quod
Aug. declarat lib. 4. de Trin. Aliter mittitur Ca. 20
Sapientia, vt sit cum homine, aliter missa est
vt sit homo, & c. Et secundum primum mo-
dum dicitur missus in mundum, secundum
autem alterum non.

Quæstio, Cur Pater non dicitur missus.

Hic quæritur cur Pater non dicitur missus
quum ex tempore à quoquam cogno-
scitur, sicut Filius. Ad quod dicimus,
quia in eo est principij authoritas, quæ non ha-
bet de quo fit, & à quo Filius, & Spi. sanctus.
Pater enim est (vt ait Aug.) principium totius 4. de
Pater au- deitatis, quia principium est Filij & Sp. sancti. *Trini.*
thor dei- Nam (vt ait Aug. in eod.) si voluisset etiam Ca. 21
tatis.

Deus Pater p̄ subiectā creaturā visibiliter appareret. Absurdissimè tamē aut à Filio quē genuit, aut à Spiritu sancto qui de illo procedit, missus diceretur, &c. Non ideo tamē arbitrandum est minorem esse Filium quōd missus est à Patre (vt ait Aug.) nec ideo minorem Spiritum sanctum, quōd vterq; misit eum. Quoniā nō ideo dicitur Pater vtrunq; misisse, quōd ille esset maior, & isti minores: sed maximè propter principij auctoritatem commendandam. Et quia in visibili creatura, non sicut ille, apparuit.

Filius & Spiritus sanctus nō minores Patre.

4. de Trini. Ca. 21.

DE PROCESSIONE TEMPORALI Spiritus sancti visibilis.

DISTINCT. Decimæ sextæ.

CAP. Primum.

Spiritus sanctus missus est dupliciter.

Sicut Filius duobus modis dicitur mitti: Vno, quo visibiliter apparuit: Altero, quo inuisibiliter à castis mētibus percipitur. Ita & Spiritus sanctus à Patre, & Filio, ac à seipso duobus modis procedere siue mitti siue dari dicitur: Vno visibiliter, altero inuisibiliter.

Datus est enim visibiliter creaturæ demonstratione, sicut in die Pentecostes. Et datur quotidie inuisibiliter, illabēdo mētibus fideliū.

CAP. Secundum. *Visibili specie missus est Spiritus sanctus.*

E ij

fol. 37b.